

Supervizor za Brčko sastao se sa novim liderima Brčko Distrikta; pozvao na vraćanje fokusa na reforme



Prvi zamjenik visokog predstavnika i supervizor za Brčko Distrikt Louis Crishock održao je prvi postizborni sastanak sa novoizabranim gradonačelnikom Sinišom Milićem, predsjednikom Skupštine Brčko Distrikta Damirom Bulčevićem i potpredsjednikom Skupštine Ivom Filipovićem, kao i sa političkim predstavnicima stranaka u Skupštini Brčko Distrikta. Tokom sastanaka supervizor je pozdravio uspostavu novog saziva Skupštine Distrikta i imenovanja na ključne funkcije u organima vlasti Brčkog, što je važan korak u smislu poštivanja volje građana izražene tokom oktobarskih izbora.

Formiranje vladajuće većine uvijek podrazumijeva politički kompromis i saradnju između izabranih zvaničnika kako bi se osigurala vladajuća većina koja može efikasno provoditi vlast tokom cijelog mandata i ispuniti obećanja data građanima. "Hitno popunjavanje ovih ključnih pozicija bilo je neophodno kako bi se organi vlasti Brčkog mogli, s novom snagom, početi baviti programom koji uključuje razvoj infrastrukture koja je od ključnog značaja, otvaranje novih radnih mjesta, jačanje borbe protiv korupcije i pružanje efikasnih javnih usluga," rekao je Crishock.

Supervizor je naglasio da Brčko Distrikt nema vremena za

gubljenje i pozvao sve političke aktere u Brčkom da se ponovno obavežu i ubrzaju reforme kako bi se unaprijedio razvoj Distrikta. Lokalni predstavnici imaju ključnu ulogu za postizanje napretka i rasta. Oni moraju pokazati da Brčko Distrikt može biti primjer u pogledu odgovornosti, transparentnosti i uspješnog upravljanja.